

R 26

27

御纂醫宗金鑑卷十二

編輯外科心法要訣目錄

發無定處上

疔瘡

流注

癰瘤

多骨疽

結核

癰發

癰疽

烏白癰



御纂醫宗金鑑卷七十二

編輯外科心法要訣

疔 瘡 圖



黃鼓疔多生顙骨角


紫燕疔多生筋骨之間

火爛疔多生唇指

黑厭疔多生耳啟
牙縫胸腰

白刃疔多生鼻孔

紅絲疔



發無定處

疔瘡

五藏皆可發疔瘡現於形體細考詳若論陰陽分上下欲知經藏辨何方

疔名火焰發心經往往生於唇指中心作煩時神恍惚痛兼麻癢炮黃紅

毒發肝經名紫燕此患多於筋骨見破流血水爛串筋指青舌強神昏亂

黃鼓由於脾發毒多生口角與顴骨炮黃光潤紅色纏麻癢硬殭兼嘔吐

毒發肺經名白刃白炮頂硬根突峻易腐易陷多損腮咳吐痰涎氣急甚

從來黑靨發腎經黑斑紫炮硬如釘爲毒極甚疼牽骨驚悸沉昏曰露睛

以上五疔應五藏又有紅絲疔一樣初如小瘡漸發紅最忌紅絲攻心上

凡治疔證貴乎早三陰三陽更宜曉在下宜灸上宜鍼速醫卽愈緩難保

註此數證俱名曰疔蓋疔者如丁釘之狀其形小其根深隨

處可生由恣食厚味或中蛇蠱之毒或中疫死牛馬豬羊

之毒或受四時不正疫氣致生是證夫疔瘡者乃火證也
迅速之病有朝發夕死隨發隨死三五日不死一月半月
亦必死此係藏府之乖逆性情之激變節候之寒溫肅殺
且毒中有淺深也若一時失治立判存亡有名爲火焰疔
者多生於脣口及手掌指節間初生一點紅黃小炮痛癢
麻木甚則寒熱交作煩躁舌強言語疎忽此屬心經毒火
而成也有名爲紫燕疔者多生於手足腰肋筋骨之間初
生便作紫炮次日破流血水三日後串筋爛骨甚則目紅
甲青邪視神昏睡語驚惕此屬肝經毒火而成也有名爲
黃鼓疔者初生黃炮光亮相明潤四畔紅色纏繞多生口角

腮顴眼胞上下及太陽正面之處發時便作麻癢重則惡
心嘔吐肢體木痛寒熱交作煩渴乾噦此屬脾經毒火而
成也有名爲白刃疔者初生白皰頂硬根突破流脂水癢
痛兼作多生鼻孔兩手易腐易陷重則腮損咽焦欬吐痰
涎鼻掀氣急此屬肺經毒火而成也有名爲黑靨疔者多
生耳竅牙縫胸腹腰腎偏僻之處初生黑斑紫皰毒串皮
膚漸攻肌肉頑硬如丁痛徹骨髓重則手足青紫驚悸沉
困軟陷孔深目睛透露此屬腎經毒火而成也以土五疔
本於五藏而生又有紅絲疔發於手掌及骨節間初起形
似小瘡漸發紅絲上攻手膊令人寒熱往來甚則惡心嘔

吐治遲者紅絲攻心常能壞人又有暗疔未發而腋下先
堅腫無頭次腫陰囊罌九穴元如筋頭令人寒熱拘急焮
熱疼痛又有內疔先發寒熱腹痛數日間忽然腫起一塊
如積者是也又有羊毛疔身發寒熱狀類傷寒但前心後
心有紅點又如疹形視其斑點色紫黑者爲老色淡紅者
爲嫩以上諸證初起俱宜服蟾酥九汗之毒勢不盡憎寒
壯熱仍作者宜服五味消毒飲汗之如發熱口渴便閉衄
沉實者邪在裏也宜服黃連解毒湯加生大黃一錢五分
頭五個清之凡證輕者宜服化疔內消散若疔毒將欲
急服疔毒復生湯已走黃者令人心煩昏憤急用七

星劍湯以救之若手足冷六脈暴絕者係毒氣閉塞元氣不能宣通先宜蟾酥丸隨服木香流氣飲行氣其脈自見若疔毒誤炙煩躁譫語者乃逼毒內攻也宜服解毒大青湯若潰後餘毒未盡五心煩熱者宜服入參清神湯鍼後出膿之時氣虛驚悸者宜服內托安神散若攻利太過以致發渴六脈虛大者宜服補中益氣湯若發汗之後汗不止熱不退瘡不疼便不利者此屬裏虛宜服八珍湯加黃耆麥冬治之凡疔潰後不宜補早雖見真虛只可平補忌用溫補之藥外治用藥鍼炙亦當循其次第書云疔瘡先刺血內毒宜汗瀉禁灸不禁鍼怕縣不怕鐵初覺貴乎早

治十證十全稍遲者十全五六失治者十壞八九初發頂
以上者三陽受毒必用鉞鍼刺入瘡心四五分挑斷疔根
令出惡血隨用立馬回疔丹或蟾酥條插入孔內外以巴
膏蓋之如項以下生者三陰受毒卽當艾灸以殺其勢灸
之不痛亦須鉞刺出血插蟾酥條旁腫以離宮錠塗之如
旁腫頑硬推之不動用鉞亂刺頑硬之處令多出惡血否
則必至走黃挑法先用鉞幹將毒頂焦皮刮開鉞入疔根
堅硬如鉞者爲順若鉞刺入縣輒如瓜穰而不知痛者爲
逆百無一生凡挑疔根先出紫黑血再挑刺至鮮血出以
知痛爲止隨填拔疔散令滿以萬應膏蓋之過三四時撥

去舊藥易以新藥若藥乾無水不痛者此挑法未斷疔根也再深挑之必以上藥知痛藥八水流爲率三四日後瘡頂乾燥以琥珀膏貼之令疔根托出換九一丹撒之黃連膏抹之外蓋白膏藥生肌斂口若初起失治或房勞夢遺損氣以致毒氣內攻走黃不住者其瘡必塌陷急當隨走黃處按經找尋有一芒刺直豎卽是疔苗急當用鐵鍼刺出惡血卽在刺處用艾壯灸三壯以宣餘毒若身面漫腫神昏悶亂乾嘔心煩作渴遍身起疱抽搐者俱爲逆證惟紅絲疔於初起時急用磁鍼於紅絲盡處砭斷出血尋至初起瘡上挑破卽用蟾酥條插入萬應膏蓋之隨服黃連

解毒湯再暗內二疔不用挑法先以蟾酥丸含化令盡以
冷水漱去毒涎再用三丸嚼葱白三寸裹藥黃酒送下蓋
臥出汗少時無汗再飲熱酒催之仍無汗係毒熱滯結急
用霹靂火法令汗山毒熱隨之而解次用雙解貴金丸下
之自效若暗內二疔初起牙關緊急者用蟾酥丸三五粒
葱頭煎湯研化灌之俟稍甦治法如前至羊毛疔先將紫
黑斑點用衣鍼挑出如羊毛狀前後心共挑數處用黑豆
蕎麥研粉塗之卽時汗出而愈一法用明雄黃末二錢青
布包紫蘸熱燒酒於前心擦之自外圈入內其毛卽奔至
後心再於後心擦之其羊毛俱拔出於布上埋之忌茶水

一日再諸疔部位形色亦有急緩生於頭項胸背者最急
生於手足骨節之間者稍緩一疔之外別生一小瘡名曰
應候四圍赤腫而不散漫者名曰護場四旁多生小瘡者
名曰滿天星有此者緩無此者急疔證初起至四五日間
由白色而至青紫色疔頭潰膿形似蜂窩內無七惡等證
者爲順若初起似疔非疔灰色頂陷如魚臍如蠶斑青紫
黑炮輒陷無膿內見七惡等證者逆凡疔毒俱由火毒而
生忌服辛熱之藥恐反助其邪也忌敷寒涼之藥恐逼毒
攻裏也再膏藥不宜早貼惟在將潰已潰時貼之呼膿長
肉以避風寒初潰時忌用生肌藥恐毒未除反增潰爛生

項以上者屬三陽經不宜灸若火日生疔亦禁灸犯之或
爲倒陷或至走黃俱忌椒酒雞魚海味鷺肉豬首辛辣生
冷等物氣怒房勞諸香並孝服經婦僧道雞犬等項犯之
必致反覆慎之

蟾酥丸

蟾酥 二錢
酒化

輕粉

銅錄

枯礬

寒水石 煨

膽礬

乳香

沒藥

麝香 各一錢

硃砂 三錢

雄黃 二錢

蝸牛 二十一箇

以上各爲末稱準於端午日午時在淨室中先將蝸牛研

爛同蟾酥和研稠黏方入各藥共搗極勻丸如菜豆大每服三丸用葱白五寸令患者嚼爛吐於手心內男用左手女用右手將藥丸裹入葱泥內用無灰熱酒一茶鍾送下被蓋約人行五六里路病者出汗爲度甚者再用一服如外用之法搓條作餅隨證用之修合時忌婦人雞犬等見之

方歌

蟾酥丸治諸疔毒初起惡瘡皆可還外用化腐又消堅內

服驅毒發汗速硃砂輕粉麝雄黃銅綠枯礬寒水入膽礬乳沒共蝸牛丸如綠豆葱酒服

五味消毒飲

金銀花三錢

野菊花

蒲公英

紫花地丁

紫背天葵子

名一錢二分

水二鍾煎八分加無灰酒半鍾再滾二三沸時熱服渣如

法再煎服被蓋出汗為度

方歌五味消毒療諸疔銀花野菊蒲公英紫花地丁天葵子前

加酒服發汗靈

化疔內消散

知母

貝母

去心研

穿山甲

炙研

蚤休

白及

乳香

天花粉

皂刺

金銀花

當歸

赤芍

甘草各一錢生

酒水各一鍾煎一鍾去渣量病上下服之

方歌化疔內消知貝甲蚤休及乳草天花皂刺銀花歸芍酒疔
證毒輕服更嘉

瘰癧復生湯

金銀花

梔子生研

地骨皮

牛旁子炒研

連翹去心

木通

牡蠣炒

生軍

皂刺

天花粉

沒藥

乳香各八分

酒水各一鍾煎一鍾食遠服不能飲者只用水煎臨服入